

## Ն

ՆԱԶԱՐԷԹ ԴՊԻՐ.— Ժամանակակից Գրիգոր պտրք. Պարոնտէրի. ուխտաւորութեամբ երկու անգամ այցելած է Ս. Յակոբի վանքը, վերջին անգամ 1610ին և այդ առթիւ խորհրդակալն ընտրուած է նոյն պտրք.ին: Նազարէթ դպիր մագաղաթեայ ձեռագիրի մը մէջ գրած է Պատմութիւն և վարժ Պարոնտէրի աշխատութիւնը, ուր արձանագրուած են նաև Ս. Յակոբի վանքին նոյն ժամանակի նուիրատուներու անունները: Ձեռագիրը Արիստակէս գրչի մը ընդօրինակութեամբ կը գտնուի Ս. Յակոբի վանքին մէջ (ՄՁ. Թ. 322):

ՆԱԶԱՊԵՏ ԿԹՂ. ԵԴԵՍՍՅԻ.— Մբ. հայրը տէր Դաւիթ ֆն. մայրը Եղորտ (ՄՁ. Թ. 1918). աշկ. Եղիազար Կթղի, որուն հետ Ս. Երուսաղէմէն կը մեկնի և կ'ուղևորի Ս. Էջմիածին. Կթղ. ամենայն հայոց (1661—1705). կը նորոգէ Շողակաթի եկեղեցին 1694ին, Շոռոթեցի Աղամալ իշխանին ծախքովը, որուն արձանագրութիւնը կը գտնուի Արևմտեան դրան ճակատին վրայ (Հ. Հայրենեայ. 1892): Նահապետ Կթղ. կը վախճանի 1706 Յունիս 13ին, ինչպէս կը գրէ Սարգիս դպիր Սարաֆ Յովհաննէսեան և սխալ է 1705 Յունիս 13ի մահուան թուականը գոր կը յիշատակէ Ազգայն. (էջ 2732), վասն զի Նահապետ Կթղ. 1706ին Քասաղ գետի վրայ շինել կուտայ կամուրջ մը՝ որուն երկու կողմի արձանագրութիւններով կը հաստատուի թէ 1706ին դեռ ողջ էր ան, և հաւանաբար նոյն տարւոյն Յունիս 13ին վախճանած կրնայ ըլլալ և թաղուած Շողակաթի եկեղեցիին մէջ: Հոս կը գնենք կամուրջին արձանագրութիւնը. «Յիշատակ է կամուրջս Տեառն Նահապետ կաթուղիկոսին Սուրբ Էջմիածնի ՌձՄԵ (= 1706)» (Անդ. էջ 35): Նահապետ Կթղ. 1673 թուականին Երուսաղէմէն չմեկնած՝ իր սանուհիին՝ Մարիամին ընդօրինակել կուտայ վարժ Հարսնց գիրքը՝ որ կը գտնուի այժմ վանքին մատենադարանը. նուիրած է նաև Ս. Էջմիածին ընդօրինակուած Յայտնաւորք մը: